

Historia di Cuerpo Policial



Na aña 1923 Cuerpo Policial tabata consisti di ocho official y tabatin un scarcedad den polis y warda di polis. E prome warda di polis tabata un cas Arubiano, pero no mas cu un post, situa na e skina di Kazernestraat y Theaterstraat, cerca di porta mayor di Lago na San Nicolas. E tabata un cas tipico Arubiano lanta cu un paar di prison traha aden. Na aña 1939 D.O.W. (Dienst Openbare Werken) tum'e over despues cu e polisnan a move pa nan oficina nobo. Despues na aña 1950 el a wordo basha abou.

E warda di polis y prison di Playa a wordo poni den Willem III Toren na Fort Zoutman y a move pa un facilidad mas grandi na 1967. E toren, cual a wordo usa tambe pa un toren di lus te cu 1963, awo ta parti di un Museo Historico di Aruba na e forti. E brigade a wordo poni bou di e autoridad di e publico for di 1954-1977, ora cu e cuerpo a wordo separa pa e Ministro di Husticia. Oficina pa brommer a wordo inclui na cuminsamento di añanan '70.

Aña 1986 tabata un aña unda hopi cambio a tuma luga na Aruba den diferente areanan, Status Aparte a bin pa e isla, e refinaria di Lago a sera, cual a nifica cu Aruba a perde un tercera parti di su entrada y desempleo a subi te 20%. Hopi proyecto hotelero a wordo desaroya, cu exito varia. Na Playa, e sitio banda di Wilhelmina Park a wordo

desaroya pa American Bob Swain. E waf di Swain tabata consisti di a un Shipping Mall y un hotel. E negociante Sr. Eduardo de Veer a wordo otorga permiso pa traha un hotel, banda di propiedadnan cu e tin na e oriya di lama den Playa. Sinembargo, esey a haci tambe cu e warda di polis bieu mester a wordo basha abou.

Siguiientemente e warda di polis unda cu actualmente Renaissance Hotel ta situa, a move pa den Wilhelminastraat.

(Na mei 1976, Srta. Herla Oduber y Marlene Giel a huramenta como e prome polisnan femenino na Aruba.)

Dufi Kock

Escritor y Historiador

Savaneta 125-F

Tel: 584-1201

Cel: 592-9417

dufikock@gmail.com

Lid in de Orde van Oranje Nassau 2006